



21
22
23
24
25
26
27
28
29
30
31
32
33
34
35
36
37
38
39
40
41
42
43
44

古130
854.1
部-38





金石萃編卷一百五

賜進士出身 誥授光祿大夫刑部右

唐六十五

張說夫人樊氏墓誌

石高廣各三尺二寸四分
行二十四字正書在洛陽


唐故雲麾將軍河南府司馬張府君夫人王宮樊氏墓

誌銘并序

夫聖善時沙州敦煌人也

代之所重曰名人之所寶曰德之所在曰禮之所在曰

唯張氏多公諱說隴右五水人也曾祖元植皇朝獻節



金石萃編卷一百五

大賜進士出身誥授光祿大夫刑部右侍郎加七級王昶撰

張詵夫人樊氏墓誌

唐六十五

石高廣各二尺二十四行
行二十四字正書在洛陽

唐故雲麾將軍河南府押衙張府君夫人上黨樊氏墓

誌銘

并序
大聖善寺沙門至威撰

代之所重曰名人之所寶曰位休禎奔業昭德延祥其
唯張氏乎公諱詵隴右天水人也曾祖元植皇朝盧龍

府折衝祖宅遠甘州司馬父崇正潭州長沙縣尉公卽
長沙之麀子也幼而貞敏長而嚴毅歷職清貫皆著能
綰兵權於湖南勳劇務於河府才當幹蠱京牧爪牙天
不憖遺溘先朝露以貞元十年八月廿日終於洛陽永
泰里之私第春秋六十九夫人樊氏曹州南華縣丞彥
府君之息女蕙德柔明言行端淋習禮笄總而從好俵
鳳凰于飛和鳴霄漢彼蒼不祐所天先逝撫訓孤幼孀
迴纏哀妄疾遽嬰口然怛化以貞元廿年四月十日終
於家第享年五十有子三人長曰封重次日封威皆幼
而敏惠年未弱冠相次夭亡季子封齊泣血叩跼吊影
長號惟家之艱克紹先烈有女五人長女出家寧剎寺
大德法号義性戒律貞明操行高潔弟妹幼稚主家而
嚴二女適京兆杜氏及禮而亡三女適天水趙詡四女
適安宅梁秘五女在室而殞今孤子孤女等哀號失容
擗踴屠裂先遠有日龜塋協宜以永貞元年十月廿日
合而窆之雙棺同穴葬於平樂鄉朱陽原禮也栽植松
檟以標不朽爰託斯文旌乎厥美詞曰
於戲宦達兮英武雄名遂身歿兮弓劍空夫人泝慎兮
相次終袞袞嗣子兮泣蒼穹良辰宅地兮安壽宮青山
黯黯兮何人在白楊蕭蕭兮多悲風

般若波羅蜜多心經真言

羯諦羯諦 波羅羯諦 波羅僧羯諦 菩提薩婆

訶

碑為沙門所撰因其長女出家寧刹寺或受戒于沙門也唐世重釋氏風俗之無禮如此後有般若波羅心經真言揭諦作羯諦釋氏之書有音無字固無不可假借為之云葬於平樂鄉朱陽原亦洛陽古鄉名

張君與前誌稱馮翊少卿者為一人前誌雙名敬詵

中州金石記

此誌單名詵前誌稱馮翊同川人此誌稱隴右天水

人前誌稱左金吾衛大將軍元長府君之孫此誌稱

祖定遠甘州司馬前誌稱中散大夫撫州長史崇讓

府君之次子此誌稱父潭州長沙縣尉惟書子女及

卒之年月符合而張君又非別為人後者疑不可曉

也 授堂金石跋

按此碑與前張敬詵碑互勘有同者有不同者其

同者如夫人樊氏子三人叔重叔威叔齊女五人

長女出家寧刹寺兩碑皆同則張詵即張敬詵固

無疑矣其不同者如前曰馮翊同川人此曰隴右

天水人前曰左金吾衛大將軍太常卿元長府君

之孫此曰祖定遠甘州司馬前曰中散大夫撫州
長史崇讓府君次子此曰父崇正潭州長沙縣尉
前書官曰朝請大夫鴻臚少卿河南尹押衙此曰
雲麾將軍河南府押衙前曰貞元十年八月廿三
日卒此曰貞元十年八月廿日前曰春秋六十八
此曰春秋六十九前曰寔于渾澗之陽邨山之新
塋此曰合葬于平樂鄉朱陽原前曰三女歸王氏
此曰三女適天水趙詡兩碑互異如此唐書地理
志同川縣屬慶州順化郡隸關內道今屬甘肅慶
陽府若馮翊郡馮翊縣屬關內道之同州今屬陝

西是馮翊與同川不能併合爲一也天水縣屬秦
州隸隴右道今屬甘肅是天水與同川又顯然兩
地不相聯屬前碑不書曾祖而書其祖諱元長此
則書曾祖而曰諱元植曾祖旣諱元植則祖似不
應諱元長此互異中之最難揆度者至前云叔重
叔威叔齊皆年始能言昂昂逸足此則云叔重叔
威相次天亡惟季子叔齊在也前云女五人長從
緇次歸杜三歸王兩女尙幼此則云二女適杜氏
及禮而亡三女適趙四女適梁五女在室殞蓋事
逾十年而人事屢更矣詳玩此碑是爲樊夫人合

葬而刻誌經營出自長女叔齊年幼不能詳具事實皆憑長女記憶述之而撰文者又係沙門其牴牾舛錯無足深論而家門衰落如此女子猶知立石以誌其墓亦可哀也矣

柳宗直等華嚴巖題名

石橫廣一尺八寸高一尺六寸五分十一行每行約十字正書左行

永州刺史馮敘

永州員外司馬柳宗元

永州員外司戶參軍柴察

進士盧巖禮

進士柳宗直

元和元年三月八日直題

按題名柳宗直柳宗元唐書宰相世系表但有宗元而無宗直柳河東文集有從父弟宗直殯志知宗直為宗元之從父弟也殯志稱宗直字正夫善操觚牘今題名是宗直書宗直雙名而題名單舉直字他石刻未見宗元初因王叔文韋執誼二人得政引擢禮部員外郎永貞元年憲宗內禪二人貶謫宗元亦貶永州司馬此題在元和元年三月蓋官永州未久也

賈竦謁華嶽廟詩

行字不計正書在華陰縣華嶽廟後周天和碑側

謁華嶽廟詩

賈竦作并書

老栢寒飈颺清祠晝寂開門華山北嵐氣沉日夕

國家崇明祀五岳盡封冊福我西土已報君金天籍惟

神本貞信以道徵摸益無乃惑聰明訛言縱至覲因循

作風俗相與成濡溺疲病閭里毗錐刀往來客我行歲

云暮登殿拜瑤席奠酒徹明靈緒言多感激鬱然展冠

冕凜若生子戟斑駁石色重陰深香煙碧虹梁無燕雀

玉座鎮虺蜴肪蠻似有聞依稀疑所覲髫年業文翰弱

冠荐毛厄天命幾微落神遠徒悚惕今來遊上國幸遇

陶唐靡正直不吾欺顏言後所適

唐元和元年十月二十八日

姪男宣義郎行華州叅軍琚太和六年四月廿六日

重修

元和元年十月著作郎河南賈竦謁華岳廟賦五言

詩題名太和六年四月其姪男宣義郎行華州叅軍

事琚修之修之者殆鈇之也詩題北周天和二年趙

文淵書方紐于瑾所撰華岳頌之左方頌之陰則開

元八年劉升書咸廩所撰精享昭應碑也其右勒顏真卿乾元元年題名工每椎拓三面而遺竦詩以是

流傳者寡然其詩特醇雅顧圖經未之采焉

曝書亭集

竦賈餗兄據宰相表則竦官著作郎也無姪取名可

以補史之缺

關中金石記

按賈竦官著作郎而此詩自題不署銜則是未仕

時作也竦為餗之兄餗居相位在文宗朝當元和

年官不過員外郎未顯也玩竦詩有云髫年業文

翰弱冠荐屯厄今來遊上國幸遇陶唐歷正直不

吾欺願言從所適則顯然是未第而求神佑者此

詩全唐詩未收故無從詳攷

乘廣禪師碑

碑高七尺九寸廣三尺七寸五分二十五行行五十四字正書在萍鄉縣

唐故袁州萍鄉縣楊岐山禪師廣公碑文

朗州司馬貞外口口正負劉禹錫纂并書

中山劉申錫篆額

天生人而不能使情欲有節君牧人而不能去威勢以

理至有垂天工之隙以補其化釋王者之位以遷其人

則素王立中區之教懋建大中慈氏起西方之教習登

區覺至執軌坤定位而聖人之道叅行口其中亦猶水

金石錄卷一百三
火異氣其成味也同德輪轉異象其致遠也同功然則
儒以中道御羣生罕言性命故世衰而寤息佛以大悲
救諸苦廣啓因業故劫濁而益尊自白馬東來而人知
像教佛以始傳而人知心法宏以權實示其攝修味真
實者卽清淨以觀口存相好者怖威神而遷善厚口口
口植口口豈福口口口口鏡業以銷窳口口口口冥昧
之間泯愛緣於死生之際陰助教化搃持口天所口生
成之外別有陶冶刑口不及曲爲調柔其方可言其旨
不可得而言也惟四海之大羣倫之富必有口其門而
會其宗者爲世導師焉禪師諱乘廣其生容州姓張氏

口歲尙儒以俎豆爲戲十三慕道遵壞削之儀至衡陽
依天柱想公以啓初地至洛陽依荷澤會公以契真乘
洪鐘蘊聲扣至斯應陽燧含焰晞之乃明始由見性終
得自在常謂機有淺深法無高下今二宗者衆生存頓
漸之見說三乘者如來開方便之門名自外得故生分
別道由內證則無異同遂以攝化爲心經行不倦愍彼
南冀不聞佛經繇是結廬此山心與境寂應念以起教
隨方而立因居涉旬而善根者知歸遠周月而滯縛者
漸口口月倍日以年倍時瘖口口開荒憬潛草邑中長
者泉十方善衆咸發信願大其藩垣法堂四可股宏僧

舍身心恒寂象馬交馳隨其去來皆得利益踰嶺之北
涉□□南仰□□□□有所在此地□盡徭然化俱
神歸佛境悲結人世自趺坐而滅至于茶毗三百有六
口髮加長容澤差衰真子髯□圍繞薪火□□如珠
璣□數十百焉□□宵圓方之形故寂滅以□盡入菩
提□位故殊相□地靈□猶鳳毛□□麟角生肉必□
以異□知其然於是服勤問法之上首□甄州乃率其
徒道進圓寂道宏如亮如海等相與投淚具役建塔于
禪堂之右端從衆也初 廣公始生之辰歲在下
巳當 □宗之中元生三十而受具更膺五十□

而終□之夕歲直戊寅當

德宗之後元三月既

望之又十日也後九年其門人還源以爲崇塔以存神
與建銘以垂休皆俾像寄懷不可以闕一□謂予爲習
於文者故跣足千里以誠相攻大懼其先師之德音與
時浸遠且日白月申□東川無還颺于金石傳信億劫
彼墮淚之感豈儒家者流專之敬訓斯言銘□真俗宜
春得良守 齊□理行□一雅有護持之功化被
于邑之庶寮及里之右族咸能迴向如邦君之志□偕
其爵里名氏列于其陰文曰

如來說法 遍滿大千 得勝義者 強名爲禪 至

道不二 至言無辯 心法東行 羣迷不變 七葉
無嗣 四魔潛扇 佛衣生塵 口法如線 吾師覺
者 真極道樞 承受密印 端如貫珠 一室寥寥
高山之隅 爲口口口 百千人俱 稟民蚩蚩
戶有犀渠 攝以方便 家藏仙書 願力旣普 度
門斯盛 合爲一乘 散爲萬行 卽動求靜 故能
嘗宗 絕口離覺 乃得究竟 生非我樂 死非我
病 現滅者身 常圓者性 本無言說 付囑其誰
等空無得 後覺得之 像口靈塔 跡留口祠
十方口輩 瞻禮口斯

元和二年五月二十七日建

右楊岐山禪師廣公碑廣公者乘廣也古人稱僧曰
某公皆以名下一字故支道林曰林公佛圖澄曰澄
公竺道生曰生公慧遠曰遠公寶誌曰誌公齊己曰
己公宋元人稱僧或名字兼舉若洪覺範妙高峯柏
子庭噩夢堂訖笑隱泐季潭之類亦取名下一字今
世知之者尠矣此文載於劉賓客集以石刻校之不
同者廿餘字皆當以石本爲正乘廣弟子甄叔亦有
塔銘今集本叔作升誤之甚矣碑文之末有時宜春
得良守齊口

似是

吾字理行第一雅有護持之功化被於

邑之庶寮及里之右族咸能回向如邦君之志故偕
具爵里名字列于其陰凡五十字集本無之當是夢
得編定文集時刪去之耳碑云始生之辰歲在丁巳
當元宗之中元終之夕歲直戊寅當德宗之後元攷
明皇三改元先天開元天寶則開元爲中元也德宗
亦三改元建中興元貞元則貞元爲後元也夢得自
署銜云朗州司馬員外置同正員蓋當時遷謫惡地
不必待缺大率員外置之東坡詩云逐客不妨員外
置正用唐故事

潛研堂金石文跋尾

碑爲中山劉禹錫撰及正書碑記年書中元後元他
碑亦希見鳳臺胥燕亭官萍鄉拓得之贈予前著錄
者未及也

授堂金石跋

按碑不言禪師春秋若干据云始生之辰歲在丁
巳爲開元五年故云元宗之中元終口之夕歲直
戊寅爲貞元十四年故云德宗之後元以此計之
是春秋八十二也然則三十受具更臈五十二可
据以補碑之泐

韋臯紀功碑

碑高一丈二尺六寸廣七尺一寸
二十九行字數無攷行書在簡州

上四川節度 大使檢校 司徒兼 中書令上柱國南康

郡王韋臯紀功碑銘 并序

御製

□□奉 勅書

上□以陰陽闕下忠賢作弼宣翼贊之力用能致闕下上□

則孰闕下柔之略致恢復之勲者焉闕下

上祖太宗受闕下握虬符以垂統廓宇宙而貞觀盛德被

於闕下

上宗重光克闕下庭禦大災清大難佐□□間生才

賢斯實我闕下上垂佑□□闕下謀猷杖忠義之臣以

□□鎮乃命左金吾大將軍韋□□闕下上而有謀□集

□闕下其鎮撫之宜至則宣闕下□□朝旨揚國威仁義服

□闕下足奔織□之□闕下人知國家有安撫之□□□□

□矣雲南昔在漢為西域郡□□闕下

上□龍□大定區夏闕下□來朝獻開元中詔以家□□

為雲南王天寶雋州將軍善能□闕下上□□西川其孫

□闕下歸內附朕嘉其誠節懿闕下時值搶攘而心不變易

乃□□闕下上為司空而九土以平契□□□五教以

敷蕭何漕運不乏而□□□□籌帷幄□闕下朕深

惟德化之未遠風□□□憫此元元以圖無疆之休

□□□於闕下以一旅之師□□之□□□徒外

牧黎庶一時闕然闕謹財賦以豐其

用故得闕欲來遠人之貢賦闕

遐邇尊王之闕言前事符響應闕雲南闕以致

闕為純臣輪駟委贄稽顙闕

闕則代之賢忠良之佐闕

豈虛也哉昔秦漢或闕面非闕謂

制闕復王闕建闕言而理此臯之忠勲斯

下檢校司徒兼中闕等使宜闕書蓋詳諸

家諫矣茲所闕茂勲紀威績刻闕臣其詞曰

闕鴻烈尊主以忠持危以節闕時之傑我有

闕惟闕退闕及此小康闕

忠賢撫綏闕吾事惟臣闕西闕

日不朽闕前聞異時同致保族承家闕苟能建績功

全才道闕實維時傑純誠闕於闕宜刻金石

用表忠勲闕股肱闕念忠賢存於夢寐闕

諒當體予闕

元和三年四月廿五日勒闕

唐六十五

三

碑陰

碑中大字四行其前十三行及後二行皆小字上下殘缺長短字數俱無攷行書

闕 言當道監軍使李仙壽廻奉宣 聖旨及伏

奉 手詔賜臣 御製 華光榮加於望

外藻飾皆以曲成仰瞻 日月之文徒荷 乾坤之

德拜 思 無不照德無不容口物推誠愛人

以禮四門載闕百揆持叙加以天口詞鋒生口 諧

於律呂舒詞義以於典暮雖漢稱五葉魏有三祖按討

比義何足等夷 奉 成規以柔遠豈敢言

功仗 神武以清邊纔將展効 臣等 闕

錄微功俯紆 睿藻恩光照耀於遐邇文口倬軼於

古今臣口慶幸 為言非臣敢望征口諫口蹤歸

於 聖主清口難陳口遇於上 闕 口集大績

此皆口仗 天威在臣何有又云宣 呈風口口

口口口布 率伏南詔風稟 成策得以宣明豈

敢貪天之功以為微臣口力口口口 眷私又

云一心奉 國百慮口公又云永光史策名臣口口

口口一口 闕 特 詔皇儲發揮口妙 恩榮

昭彰於四海 文翰輝口於口口 闕 去造期於盡命

以理戎蠻無口受 恩至深口口口陳之口口口

□□闕

貞元二十年十一月二十日光祿大夫檢校司□兼

中書□成都尹充劍南西川節度□大使□節度□

□□□□□□□□□□□□□□

卿元臣上宰道賡緝熙貞諒□彝忠□□闕之才寅亮

中樞懷柔遠俗□□寧息□□闕□列於金石禮亦宜

之卿將順□心遠_闕所謝知

前刺史丁公俛起屋立石 勒碑文惟和至□□其

□_闕周飾罔不補於前無也朝議郎使持節

簡州諸軍事守簡州刺史_闕

碑在資州郡市心居民室下紹興丁巳穴土有碑石

太守命工取其石重撤民屋下果有碑錄其文乃細

製紀功碑銘并序皇太子書碑面殘缺不全惟碑陰

乃開成元年臯從孫珽為本州守日紀述其文甚全

遂復覆之_{天下輿地碑記}

右韋臯紀功碑唐德宗御製太子誦奉勅書計全碑

凡千二百言今殘泐所餘僅可辨者四百八十言而

已趙明誠金石錄有目無錄此外著錄金石家罕有

及之者宋人惟王象之碑目及寶刻類編近人惟來

濬金石備攷載之而亦皆不詳象之碑目無年月金

石備攷云貞元二十年在蘭州寶刻類編年月亦同
今觀碑首御製字大書勅書二字差小其筆意亦尙
存晉祠萬年諸碑家法順宗時為太子則是貞元二
十年無疑也而碑尾云元和三年四月廿五日勒蓋
碑之撰書在貞元二十年而立石在元和三年耳此
一行年月非順宗書當是立石時仿其書補入者猶
之廟堂碑相玉印一行亦補書者也所謂貞元二十
年立者恐是文內有貞元二十年語因以為碑立於
其時耳今全文既不可讀而韋臯傳云臯在蜀二十
一年臯以貞元初代張延賞為劍南西川節度使至

貞元末正二十一年則撰碑時臯尙在新唐書云臯

大破吐蕃

此在貞元十七年八月
新唐書有月而無年

遂圍維州生擒莽

熱獻諸朝帝悅進檢校司徒兼中書令南康郡王帝

製紀功碑褒賜之卽此事也

翁方綱跋

按此碑陽刻德宗御製文陰刻似係韋臯奏謝表

德宗批荅其前刺史丁公儁云云一段後無年月

殆卽輿地碑記所謂開成元年臯從孫珽為本州

守紀述之語也德宗文殘泐就所存字攷之碑云

命左金吾大將軍韋口泐一字當卽臯也兩唐書

臯傳稱興元元年德宗還京徵為左金吾衛將軍

尋遷大將軍碑云雲南昔在漢爲西域都護祖禹
方輿紀要曰漢武帝元封二年開西南夷滇王降
以其國置益州郡屬益州郡後漢增置永昌郡亦
屬益州郡三國時爲蜀漢地又分益州置交州後
主建興二年改益州郡爲建寧又增置興古雲南
二郡以南中濶遠置庾降督于建寧總攝之遙領
交州刺史今曲靖府廢味縣是其治處此雲南之
緣起也碑云西域郡益卽謂益州郡也碑云口來
朝獻開元中詔以蒙口口爲雲南王天寶嶺州將
軍云云方輿紀要曰白虎通戰國時楚莊躋據滇
號爲莊氏漢武帝立白崖人仁果爲滇王而躋嗣
絕仁果傳十五代爲龍祐那諸葛武侯南征師次
白崖立爲酋長賜姓張氏歷十七傳當貞觀世張
樂進求以蒙舍酋細農羅強遂遜位焉蒙氏烏蠻
別種也未徽四年細農羅遣使入朝上元元年子
羅炎晟立太極元年子成羅皮立唐封爲登臺郡
王開元二十六年子皮羅閣立以破洱河蠻功乃
賂劍南節度王昱求合六詔爲一昱爲請于朝許
之賜姓名蒙歸義冊爲雲南王自是益強天寶八
載子羅閣鳳立始叛唐取夷州進陷嶺州稱臣吐

蕃僭國號曰大蒙唐書南詔傳略同碑蓋敘其始末而文

多泐矣碑云臯之忠勳闕檢校司徒兼中下傳稱

貞元元年臯拜檢校戶部尚書兼成都尹御史大

夫劍南西川節度使代張延賞臯以雲南蠻眾數

十萬與吐蕃和好蕃人入寇必以蠻為前鋒乃遣

判官崔佐時入南詔蠻說令向化以離吐蕃之助

佐時至蠻遂相率入朝南蠻自嶺州陷沒臣屬吐

蕃絕朝貢者二十餘年至是復通五年臯遣大將

王有道入蕃界於故嶺州臺登北谷大破吐蕃九

年朝廷築鹽州城慮為吐蕃掩襲詔臯出兵牽維

之以功進位檢校右僕射十一年九月加統押近

界諸蠻西山八國兼雲南安撫等使十二年二月

就加同中書門下平章事十三年收復嶺州城十

六年累破吐蕃于黎嶺二州十七年吐蕃北寇靈

朔陷麟州德宗遣使至成都令臯出兵深入蕃界

臯乃統兵分道自八月至十月大破蕃兵擒獻論

莽熱遂加臯檢校司徒兼中書令封南康郡王今

碑兼中書令尚存兼中二字而封爵則全泐矣臯

之得功在貞元十七年其撰文紀功在二十年其

時臯尚官蜀中至勒石在元和三年臯以憲宗為

太子監國之初得暴疾卒事在永貞元年則立碑
在卒後三年矣是碑在簡州久淪沙土中不顯于
世昶族弟啓焜官是州得而出之因搨兩通見貽
分其一以贈翁學士方綱存其一具錄如右

孟再榮造像記

石刻記處橫廣一尺五寸六分高九寸六分十行行六字行書在西安府

大唐元和三年歲次戊子七月辛巳朔十二日壬辰清
信弟子大盈庫染坊等使雲麾將軍左監門衛將軍貞
外置同正貢上柱國賜紫金魚袋孟再榮建立

竇叔向碑

碑連額高一丈一寸四分廣四尺二分三十一行行
五十二字正書額題唐故左拾遺贈舒州刺史竇府
君神道碑十六字
篆書在偃師縣

唐故左拾遺內供奉贈使持節舒州諸軍事舒州

□□竇□□□□□

朝議郎侍御史內供奉上護軍□□羊士諤撰

□□十一□朝議郎尚書□□□□□易直書

有唐左拾遺贈使持節舒州諸軍事舒州刺史□□竇

公□□夫□□□□□□□□□□□□□□□□

□□□□□□□□□□揚郡覆釜山克葬於河南

之偃師□□□□□□□□□□□□□□□□

□□□□□□□□□□御史中丞□□□□

□□□□□□□□□□先大夫之□□□□

□□□□□□□□□□_下□□□□居□陵□

續□□□□□□□□□□_下□□□□代祖紹左

武衛大將軍改封荏平□高祖善□□□郡守□□

□□□□□□□□□□_下□□□□孝□同昌□□建節

拖紳□風□□□□□□□□□□□□□□

□□□□□□□□□□_下□□□□歲以文□□兼□□□□

□□□□□□□□□□_下□□□□游子□□□

□□□□□□□□□□□□□□□□□□_下

□□陵縣_下□□□□□□□□官□祖□□□□□

□□□□□□□□□□_下□□□□移鎮□□□□

□□□□□□□□□□_下□□□□縣□□書□

□□□□□□□□□□□□□□□□_下

魏□□□□□□□□□□□□□□□□_下

□□取每歸厚於公□□□□□□□□□□

□□□□□□□□□□_下□□□□是徵□□拾遺內供奉□□

□□□□□□□□□□_下□□□□□□□□風行雍

容□□內廷□□□□□□□□□□□□□□

□□□□□□□□□□於□臣由□□二三諫官_下□移

□□於京□□□□□□□□卷□□□□□□

前□□_闕下□人存□□□□□□□□內供奉□緋魚

袋□南都□□□□□□□□_闕下汝太君□□□□御□

□□□紫金奠袋次曰群殿中侍御史內□□□□_闕下

征□□□門□□爲□□□□□□人皆□□中書令南

□□□□□□給事申_闕下女弟孝_闕下休□□□□族

德宗□□□□□□克念遺賢中丞以□器□

□之姿遇□□□□□□□□□□□□宣室既

□□□□見一拜□拾遺□□□□□□□□鼎侍御史簡

□□□□上心□遷膳部□□□□□□□□州刺史□□

郎中□執邦憲其間當_闕先朝□□□□使其拜吏部

今上□位國有大慶家苑□光□□□□□□天明□

□□第□□□□□□□□□□□□其作□於□

□□在□君子謂□□立身慎終追遠□者盡在於中

憲乎銘曰_闕未_闕來_闕齊_闕平_闕王_闕順_闕行_闕勤

猗歟□侯宣□諫臣沃心無隱直質而文賡歌柏梁□

□□□□□□□□□□南薰□□□□□□□□□□

□□□化糾繆言責其道屈伸斯人損益盡忠稱職事

光□□令嗣執憲□□□□□□三朝匪躬易著□□詩

後昆觀德無窮
□□□□□□□□□□石□啓□□□□□垂□

元□三年歲次戊子十月己酉朔五日癸丑建□□

金石錄有此碑金石略有寶易直書左拾遺竇叔向

碑羊士諤撰未詳卽此其字摩滅棄在牛王廟作供

几近始移置學宮其文之可辨者云有唐左拾遺贈

使持節舒州諸軍事舒州刺史扶風竇公泊夫人汝

南袁氏繼室贈臨汝太君□元和二年秋八月十七

□□啓殯自丹陽郡覆金山克葬於河南之偃師接

叔向墓在今縣西二十里蔡莊保韓愈撰國子司業

竇牟墓誌銘云葬河南偃師先公尙書之兆次牟卽

叔向子也碑又云西河郡公□代祖紹左武衛大將

軍改封荏平公高祖善衡□慶□郡下闕三字荏平烈

考允同昌□司馬又云□夫人有子曰常殿中侍□

□內供奉賜緋魚袋湖南郡團練判□次曰牟下闕又

云繼室□臨汝太君有子曰羣御史中丞賜紫金魚

袋次曰庠殿中侍御史內供奉鎮海下闕曰鞏下按宰

相世系表竇武之後有敬遠封西河公居扶風平陵

孫善衡則碑云西河郡公者卽敬遠也世系表不載

紹當是敬遠之子于叔向爲四代祖也韓愈竇牟墓

志亦無紹可援碑以補竇氏譜系之缺世系表叔向
祖懷直洪州都督襲公今碑缺此一代其子曰常曰
牟曰羣曰庠曰鞏俱見劉昫唐書及世系表而官爵
與表傳皆異可以參考易直穆敬時相劉昫唐書有
傳碑稱第十一姪表誤上一格與叔向並列宜改正
羊士諤者柳宗元楊評事集序云泰山人墨池編稱
其與韓梓材同在越州亦以文翰稱中州金石記
億按碑漫滅又以字畫纖瘦益難辨識近用細灰墁
其上乃粗可讀今所存者質之新唐書世系表竇武
之後又有敬遠封西河公昌黎集竇牟墓誌銘六代祖敬遠常封西河公今

碑河郡公卽西河公敬遠也於牟為六代祖於叔向
當為五代碑代祖上缺一字當作四代下文又有高
祖字始於叔向推為四代則紹非四代也疑缺字仍
作五代而西河公於叔向乃六代文公誌竇牟墓或
因其家譜狀有六代祖之文遂書以牟為斷非也紹
為左武衛大將軍改封為在平公表既不載紹惟云
敬遠孫善衡左衛將軍襲西河公以下兩世並言襲
公以碑證之紹既改封在平則善衡以逮子孫皆當
襲在平且碑書高祖善衡衡字僅存於旁又有郡守
字及在平字缺下乃云考允同昌郡司馬是碑已言

龔荏平矣今表作龔西河又善衡依碑當為高祖而表亦作曾祖史家謬誤皆此類也叔向始末尚有可

見者云疾於權臣歿於京口文集七卷數句下載諸

子日常內供奉賜緋魚袋湖南都團練使常本傳但

言杜祐鎮淮南署為叅謀歷朗夔江撫四州刺史次

曰牟缺御史賜紫金魚袋傳亦不言為御史舊唐書

但言賜緋其不載為御史與新書同次日庠殿中丞

侍御史內供奉鎮數字皆全實牟墓誌庠三佐大府自奉先令為登州刺史

庠本傳終婺州刺史而表云漳登信婺四州刺史舊書

惟言澤州不及漳州傳表不同必有一誤詳略較異然於碑所云者皆遺

不見錄此史之疎也次日鞏殘脫無文惟羣名位官

闕獨備撰者羊士諤書者第十一姪朝議郎尚書右

司員外郎名缺依稀似易直字易直見本傳而表云

易直字宗元相穆敬即其人士諤為羣所引為御史

故於羣稱述頗詳有以也偃師金石遺文記

右左拾遺竇叔向碑第十一姪易直書易直兩字雖

磨泐以筆勢求之仿佛可見趙氏金石錄以為竇公

直書公直名不見於宰相世系表疑未可據唐書竇

羣傳武元衡輔政薦羣代為中丞羣引呂溫羊士諤

為御史李吉甫以二人躁險持不下羣忤很反怨吉

甫今按吉甫以元和三年九月戊戌罷相碑立于是
年十月癸丑士諤已爲侍御史計其授官必在吉甫
未罷之日則吉甫亦未能終持不下也文雖殘闕其
所敘世系頗可證唐表之漏據表叔向於善衡當爲
曾祖而碑稱高祖善衡又云曾祖元口兗州任城令
然則表脫任城一格矣其所述諸子官階與史不盡
合史所載者後來跋歷之贗此據當時見任而言非
有異同也

潛研堂金石文跋尾

按撰文者羊士諤兩唐書無傳其詩載全唐詩小
傳云士諤泰山人登貞元元年進士第累至宣歙

巡官元和初拜監察御史坐誣李吉甫出爲資州
刺史此碑結銜侍御史內供奉上護軍王卽元和
初所拜之官也碑文湮沒賴縣令湯毓倬表而出
之毓倬字吉人南皮人領乾隆壬午順天鄉薦爲
子門下士其官偃師也邑中金石竭力蒐羅凡淪
陷沙土者盡拂拭而出適武虛谷億罷官歸同修
縣志盡搨諸碑跋以入志毓倬之功不可沒也因
附識之

諸葛武侯祠堂碑

碑高一丈一尺六寸六分廣五尺七寸二十四行行五十字正書在成都

蜀丞相諸葛武侯祠堂碑

節度掌書記侍御史內供奉賜緋魚袋裴度撰

營田副使檢校尚書吏部郎中兼成都少尹侍御史

賜紫金魚袋柳公綽書

度嘗讀舊史詳求往哲或秉事君之節無開國之才得

立身之道無治人之術四者備矣兼而行之則蜀丞相

諸葛公其人 也公本系 在簡策大名蓋天地不復以云

當漢祚衰陵人心競逐取威定霸者求賢如不及葢器

在身者擇主而後動公是時也躬 耕南陽自 比管樂我

未從虛時稱卧龍詩曰浴雖伏矣亦孔之炤故州平心

與元直神交洎乎三顧而許以驅馳一言而乞其機勢

於 是翼扶 劉氏續承舊服結吳抗魏擁蜀稱漢刑政達

於荒外道化行乎域中誰謂阻深殷為強國誰謂蓮脆

勵為羽兵則知地無常 形人無 常性自我而作若金在

鎔故九州之地魏有其七我無其一由僻陋而啓雄圖

出封塙以延大敵財用竭而不曰浚我以 生干戈 動而

不曰殘人以逞其虐之南方也不以力制而取其心服

震疊諸夏也不敢角其勝負而止俟其存亡法加於人

也雖死口 而無 怨德及於人也雖葬菜而見思此所謂

精義入神自誠而明者矣若其人存其政舉則四海可

平五服可傾而陳壽之評未極其能事崔浩之說又詰

其成功此皆以變詐之略論節制之師以進取之方語

化成之道不其謬歟夫委棄荊州不能遂有郡此乃

務增德以吞宇宙不黷武以爭尋常及出斜谷據武功

分兵屯田為久駐之計與敵對壘待可勝之期雜乎居

人如適虛邑彼則喪氣我方養威若天假之年則繼大

漢之祀戒先主之志不難矣且權傾一國聲震八紘而

上下無異詞始終無愧色苟非運磨五百道冠生知曷

以臻於此乎故鷹德知人之明者倚杖曰魚之有水仲

達野人之雄者嗟稱曰天下奇才度每迹其行事度其

遠心願奮短扎以排羣議而文字出鄙日日未果元和

二年冬十月聖上以西南奧區復亂餘烈

罷眈未息汚俗未清輟我服眈為之父母乃

詔詔相國臨淮公由秉鈞之重承推轂之寄戎

軒乃降藩服乃理將明帝道陔落綴懷溥暢仁

風間閭滋殖府中無留事宇下無棄材人知嚮方我有

餘地則諸葛公在昔之治與相國當今之政異代

而同塵矣度謬以庸薄獲參管記隨旌旄而爰止

望祠宇而修謁有儀可象以赫厥靈雖微烈不忘而碑

表未立古者或拳拳一善或師表一城尚流斯文以示

來衷況如仁之歎終古不絕其可闕乎乃刻貞石庶此
都之人存必拜之感云尔

昔在先主思其疆宇擾攘靡依英雄無輔爰得武侯先

之蜀土道德城池禮義干櫓煦物如春化人如神勞而

不怨用之有倫柔服蠻落鋪敦渭濱攝跡畏威雜居懷

仁中原盱食不測不克以待何勝允臻其極天未悔禍

公命不果漢祚其亡將星中墮反旗鳴鼓猶走司馬死

而可作當小天下向父作周阿衡佐商兼齊管晏捩漢

蕭張易代而生易地而理遭遇豐約亦皆然矣嗚虜奇

謀口志天過于嗟嚴立感受謫罰聞之痛之或泣或絕

甘棠勿翦駢邑斯奪繇是而言殊途共轍本於忠恕孰

不感悅苟非誠愨徒云固結古柏森森遺廟沉沉不殊

禋祀以迄于今靡不駿奔若有昭臨蜀國之風蜀人之

心錦江清波玉壘峻峯入海際天如公德音

元和四年歲次己丑二月廿九日建

鵠字人魯建

子同四川按察司僉憲濟南王敕萊陽曲銳觀武侯

廟碑論裴中立所作文體純正如甘誓允征不華不

俚柳子寬所書筆法遒勁如正人端士可敬可愛誠

二絕也且子寬在唐元和時與其弟公權皆以善書

名於世口嘗以筆法對穆宗曰心正則筆正筆正則
可法矣穆宗改容悟以爲筆諫子寬爲山南節度使
判納賄舞文吏曰賊吏犯法法在奸吏壞法法亡誅
舞文者兄弟皆守正不回所以筆法各臻其妙也中
立威望德業比郭子儀以身任天下輕重者三十年
歷事四朝以全德終始豈獨工於文字而已哉噫人
因文而顯文因字而顯然則武侯之功德裴柳之文
字其相與垂於不朽也耶大明宏治十年丁巳仲春
既望巡按四川監察御史藍田榮華跋
碑之來遠矣由唐逮今將盈千載日闕口間嘗過

讀竊有感焉已而詢訪遂獲闕補以還其舊庶毀

壁復完而覽者無闕闕午孟冬之吉蜀府承奉滕嵩

謹識

闕摧殘余蒞茲土表章莽礫之餘整復肩屬之舊竊

以中立勳名將相包舉子寬正直伯闕靈永相呵護

不似薦福烟銷也闕皇清康熙十一年三月朔撫

蜀中丞羅森識

讀唐碑文瑰麗書端嚴稱雙絕匪溢當時不以文口

推裴柳重本也文傳者文重人傳者人亦重彬彬君

子哉粵東藩使膠西宋可發識

右記裴晉公度撰柳尚書公綽書是時在武相元衡
 幕中三公勲業年位雖小異要之不愧忠武侯者柳
 於書不得稱名獨米元章謂其勝誠懸碑在成都可
 七百年矣完好尙如新得非以僻故存邪弇州山人藁
 右裴度撰文乃成化中重鐫者有御史榮華跋言予
 寬此書如端人正士筆法道勁裴公文首稱秉事君
 之節者無開國之才得立身之道者無治人之術四
 者備矣惟武侯有之信如跋所言也蒼潤碑跋
 碑有云誰謂阻深殷為強國誰謂蓬脆勵為勁兵此
 用左思魏都賦稟質蓬脆語廣韻蓬七戈切脆也唐

書王伾傳形容蓬陋金石文
字記

成都遭張獻忠之亂金石文字一無存者惟武侯廟
 碑尙完好蓋武丞相元衡帥蜀時裴柳二公皆在幕
 中寔元和四年己丑也池北偶談

碑云陳壽崔浩之徒皆以變詐論節制之師以進取
 語化成之治謬甚余思考亭朱子猶目武侯為笨況

其他乎金石錄補

孫樵刻諸葛武侯碑陰文曰赤帝子火熾四百年天
 厭其熱泊獻燼矣武侯獨不憤不顧收死灰於蜀欲
 噓而再然之艱乎為力哉是以國稱用武岐雍間地

不尺闊抑非智不周天意炳炳然也夫以武侯之賢
寧靡籌其不可邪蓋激備隆中以天下託不欲曲肱
安穀終兒女于手將驅馳死備志耶由是覈武侯之
所爲殆庶幾矣然跨西南一隅與吳魏抗國提卒數
萬綽綽乎去留無我技者是亦善爲兵矣史壽以爲
短於應變真抑武侯哉俾武侯不早入地曹之君臣
將奔走固圍之不暇鍾鄧寧能越巖懸兵決勝指取
耶是井絡之野與武侯存亡俱矣天殲武侯其不愛
劉愈明白矣其姜維何力焉曩蟠南陽時人不與仲
毅伍洎受社稷寄擅刑賞柄魯心不愧畏人不疑黷
河意氣明信卓卓也武侯死五百載迄今梁漢之民
歌道遺烈廟而祭者如在其愛於民如此而久也獨
謂武侯之治比於燕薊彼屠齊城合諸侯在下矣此
文旣刻於碑陰而無印本傳世明末大盜張獻忠入
蜀屠殺之慘亘古未有萬里烟絕侯神人也廟貌得
保無恙家大人刺達州予擬遊錦江浣花未果此碑
予得之故家宦蜀者而錄孫文於裝本之末

來齋金石刻考

略

是時元衡以宰相出鎮西川裴度柳公綽皆爲幕僚
唐書元衡傳所云開府極一時選者是也柳公綽傳

稱武元衡節度俱為判官尤和引重今案裴公時為節度掌書記公綽以營田副使兼成都少尹皆非判官特同在帥府耳碑不見於歐趙二錄王象之撰輿

地碑目始載之

潛研堂金石文跋尾

此碑裴公題銜云侍御史質之本傳遷監察御史論權梗切出為河南功曹參軍武元衡帥西川表掌節度府書記碑文當作于是時而為侍御史史亦未詳載碑在前明補刻今所見者已非舊觀用為可憾耳文苑英華辨證裴度諸葛亮祠堂碑故州平心與元直神交謂亮與崔州平徐庶友善也而文粹以故

為荆

授堂金石跋

按此碑文苑英華唐文粹兩書俱載其文今取以

互校如度嘗讀舊史英華作漢史聲震八紘英華

作威震倚杖曰魚之有水英華杖作仗

文粹亦作仗曰

作如異代而同塵矣英華作同瀛尚父作周英華

作佐周于嗟巖立英華作平立此英華之與碑異

也誰謂遲脆文粹作誰為雖死口而無怨文粹作

雖從死而無怨據武功文粹作武公而上下無異

詞文粹無而字或師表一城文粹作師長終古不

絕文粹作不紀鋪敦渭濱文粹作鋪敷此文粹之

與碑異也標題祠堂碑下兩本皆有銘字故州平
心兩本皆作荊州震疊諸夏兩本皆作震懾爲久
駐之計兩本爲皆作謀寇亂餘烈兩本皆作餘孽
如仁之歎兩本皆作如在必拜之感云爾兩本此
下皆有銘曰二字鳴虓奇謀下兩本皆有奮發二
字下文口志天遏兩本皆作美智天遏若有昭臨
兩本皆作照臨如公德音兩本皆作知公此英華
文粹同與碑異也又檢四川通志載此文大率與
英華同而別有異者元直神交通志作昭烈願奮短札通
元德知人之明通志元德亦作昭烈願奮短札通
志作短袖大抵皆傳寫之訛當以碑爲正也然碑
亦有可疑者州平元直顯然是崔州平徐庶矣然
三國志諸葛亮傳謂博陵崔州平潁川徐元直與
亮友善則不得爲神交且云州平心與元直神交
心字之義殊不可曉下文接洎乎三顧許以馳驅
是指先主三顧事與州平元直神交語氣亦不貫
鳴虓奇謀口志天遏與下文于嗟嚴立咸受謫罰
句法一律今碑奇謀下多空兩格若從英華文粹
增奮發二字則句法不類似乎銘詞原不必有此
二格也乃詔詔相國多一詔字係衍文志願未果

誤書日日未果日日旁註志願二字疑皆是前明
補刻時滋譌耳碑云元和二年冬十月文粹作三
年據憲宗紀元和二年十月丁卯以門下侍郎平
章事武元衡檢校吏部尚書兼門下侍郎平章事
成都尹充劍南西川節度使仍封臨淮郡公事與
碑合則文粹以爲三年者亦訛也至唐諱治字凡
治皆作理此碑銘詞易地而理仍作理字而文云
無治人之術直用治字與他碑別

雲居上寺詩刻

石橫廣三尺二寸五分高二尺五寸二寸
七行行十八字十九字不等左行行書

題雲居上寺并序

范陽縣丞吉逾

辛酉歲秋八月僕與節度都巡使王潛口口軒轅偉口
口猶子駒駘潛息益同躋攀於此勒四韻於後

詩

到此花宮裏觀身火宅中有爲皆是幻何事不成空晚
籟鳴寒谷秋山響暮鐘欲歸林下路新月上前峯

元和四年四月八日范口口

同作

軒轅偉

不著登山屐捫蘿也上躋石梁分鳥道蒼逕過雲霓梵

宇千花裏秋聲萬籟齊
門遊興未盡鐘磬度前溪

同前

駟駟上

石室最高峯躋攀到此中
白雲連晚翠清磬度秋風
未悟無生理寧知有想容
且歸山下寺更欲問支公

同前

口上

石路多奇迹幽巖鑿寶經
墓煙千壑裏新月一山明
宿鳥知清梵樵人慣獨行
爲隨歡奉後豈敢學逃口

同前

郎度都巡使太常卿上柱國王潛

萬木千峯空鳥喧潺潺
水下長川人來石室藏
何處一逕歸時帶暮煙

同前

男益上

又公禪誦處絕頂共登攀
日色千峯裏鍾聲萬壑間
口吟吟砌近沙烏傍溪閑
一逕口藜杖行行歎下山

按雲居上寺未詳處所據詩前稱范陽縣丞吉逾

同躋攀于此云云則寺當在范陽矣唐時范陽縣

屬涿州今檢日下舊聞引名勝志云涿州有智度

寺在城東北隅翔自唐時有舊碑刻其後卽雲居

寺俱有石基浮圖疑卽此雲居上寺也謂之上寺

者以在智度寺之後也唐時舊碑刻或卽指此碑

吉逾諸人之詩全唐詩無一載者因並錄之以見

唐人詩千餘年來淪於草莽為人所未見者蓋不勝紀云碑書暮煙作墓煙筆誤也

金石萃編卷一百五終

良益士

金石萃編卷一百六

賜進士出身 誥授光祿大夫刑部右侍郎加七級王昶撰
唐 六十六

解進墓誌

石廣一尺四寸七分高一尺四寸四分
六行行十六字末行無字正書在孟縣學

大唐故鴈門郡解府君墓誌銘

府君諱進字進族茂鴈門派別條分今藉于京地府鄆縣八步鄉解村人也 祖諱齊而樂道不仕府君即樂

道之第二子也修短不意去元和四年三月四日疾終于河南府河陽縣太平鄉樹樓村之私第春秋六十有

金石錄卷一百一
五卽以元和五年十一月十一日擢厝於秘第北二里
原之禮也霜妻李氏偕老願違哀號痛切嗣子忠信次
子少遷次子少恭次子少璘次子少儀次阿小長新婦
曹氏等號天叩地柴毀過禮殆不勝窆窆窆云具禮物
咸備恐墳隴有變故刻頌立名以作來年之記

茫茫墓里
寂寂松扉
痛君子之長逝
沒寒泉而不歸

右唐解府君墓誌銘三十年前於城西五里紫金山
寺前成樓村河岸側出土爲前歲貢生席雲章購得
移置縣西三十里衡欄村家塾嵌於壁上劉世俊比
因訪獨孤府君碑過見之雲章子志恒因送置縣學
文內稱祖諱齊而樂道不仕府君卽樂道之第二子
也二語內非祖字爲父字之誤卽而字爲父字之誤
當是書時失檢卽如誌內原之二字當作之原亦是
顛倒有誤此可見也然其文但誌族姓名字鄉貫先
世卒葬歲月葬地妻子頗與王止仲墓銘舉例大指
相合且此外別不加贊頌語殊有古人不溢美之意
頃見偃師進士武君名億所新得晉關中侯劉府君
韜墓誌銘亦似此均足矯後人諛墓過當之習至此
誌銘詞之妙殆不可言書迹適逸之中饒有古拙之

趣俱可愛玩佳物也

孟縣志

汝瑚按誌稱樹樓村今尚稱為成樓村特以樹為成耳蓋村鄉之民竟有千餘年不改者此以知故老流傳之說未可厚非而碑刻之徵驗其益孔多也

仇汝瑚識

修禪道場碑

碑連額高七尺一寸廣三尺三寸五分二十四行行四十七字正書在天台

台州隋故智者大師修禪道場碑銘序

右補闕翰林學士梁肅撰

朝散大夫台州剌史上柱國高平徐放書

陳修古篆額

天台山自國清上登十數里曰佛隴蓋智者大師現身

得道之所前佛大教重光之地陳朝崇之置寺曰修禪

及隋建國清廢修禪之號号為道場自大師歿一百九

十餘載大比丘然公光昭大師之遺訓以啟後學門人

比丘法智灑掃大師之舊君以護寶所門人安定梁肅

銘勒大師之遺烈以示後世云大師諱智顓字德安姓

陳氏潁川人也尊稱智者感應緣述載在別傳觀夫治

世之經非仲尼則三王四代之訓寢而不章出世之道

非大師則三乘四教之旨晦而不明昔如來乘一大事

因緣菩薩以普門示現白花嚴肇甚至靈鷲高會無小

無大同歸佛界及大雄示滅學路派別世既下衰教亦
陵遲故龍樹大士病之用道種智制諸外道括十二部
經發明宗極微言東流我惠文禪師得之於文字中入
不二法門以授南嶽思天師當時教尚簡密不能廣被
而室有諸宗扇惑方夏及大師受之於是開止觀法門
其教大略卽身心而指定慧卽言說而詮解脫演善權
以鹿苑爲初明一實用法花爲宗合十如十界之妙趣
三觀三智之極自發心至于上聖行位昭明無相奪倫
然後誕敷契經而會同之煥然氷釋心路不惑窺其教
者藏焉修焉蓋無入而不自得焉大師之設教也如此

若夫弛張體用開闔語默高步海內爲兩朝宗師大明
在天光被四表大雲注雨滂施萬物絲是言佛法者以

天台爲司南殊塗異論往往退息緣離化滅涅槃茲山

是歲隋開皇十七年也夫名者實之賓教者道之門大
師溷其賓闢其門自言地位示有證入故感而應之應
之之事可得而知也若安住法界現爲比丘等覺歟妙
覺歟不可得而知也當是時得大師之門者千數得深
心者三十有二人纂其言施行於後世者日章安大師

諱灌頂灌頂傳縉雲威禪師禪師傳東陽東陽與縉雲
同號時謂小威小威傳左溪朗禪師自縉雲至左溪口

驪珠相付向晦宴息而已左溪門人之上首今湛然大師道高識遠超悟辯達凡祖師所施之教形於章句者必引而申之後來資之以崇德辯惑者不可悉數蓋嘗謂肅曰是山之佛隴亦鄒魯之洙泗妙法之耿光先師之遺塵爰集于茲自上元寶應之際此邦寇擾緇錫駭散而比丘法智實營守塔廟莊嚴佛土迴向之徒有所依歸繫斯人是賴汝吾徒也蓋紀於文言刻諸金石俾千載之下知吾道之所以然小子稽首受命故大師之本迹教門之繼明後裔之住持皆見乎辭其文曰

諸佛出世惟一大事天台教源與佛同意赫赫大師開示奧秘載驪要道安住圓位白日麗天天下文明大師出現國土化城無生而生生化兩真薪盡火滅山空道行五世之後間生上德微言在茲德音允塞惟彼法子護持淨域此山有壞此教不極

唐元和六年十一月十二日僧行滿建

按此碑完善文不可辨者僅十餘字今檢天台齊少宗伯召南所撰天台山方外志要載此碑取以互校增注于旁而文全可讀但碑書歲月爲元和六年十一月十二日志要則云元和六年十二月蓋誤也碑題台州隋故智者大師修禪道場据志

要云陳智顛卽智者大師字德安姓陳氏潁川人
寓荊州之華容梁散騎孟陽公起祖第三子年十
八投湘州果願寺沙門法緒出家聞天台地記稱
有仙宮願息心茲嶺展平生之志時陳大建七年
秋九月也初入天台歷遊山水度石梁過僧懸授
國清之讖南出見佛隴南峯徘徊畱意夕宿定光
草庵指居銀地卽修禪道場陳主凡三遣使手書
勅詔師悉稱疾不赴入隋晉王北面曰大師傳佛
法燈宜稱智者開皇十一年在揚州十三年旋鄉
十五年下建業十六年重入天台十七年晉王敦
請出至石城謂徒衆曰吾知命在此故不前進跣
跌而逝後仁壽末年忽振錫披衣猶如平昔凡經
七現重降山寺一還佛隴此智者之大略也碑文
撰者梁肅唐書傳肅字敬之一字寬中世居陸渾
建中初中文辭清麗科舉授右拾遺母老不赴杜
佑辟淮南掌書記召爲監察御史轉右補闕翰林
學士然碑有門人安定梁肅之語是當從事佛門
奉湛然爲師傳所不及也書者徐放無傳衢州府
志名宦稱放字達夫元和九年爲衢州刺史此碑
當元和六年官台州刺史也篆額者陳修古無攷

金石錄卷一百六
碑云天台山自國清上登十數里曰佛隴方外志
要云銀地嶺在天台縣北二十里一名佛隴卽定
光示智者處碑云陳朝置寺曰修禪及隋建國清
廢修禪之號號爲道場志要大慈寺在天台縣
北二十九里舊名修禪陳時爲僧智者建蓋思修
初定乃定光授金銀地之所定光所居號金地此
號銀地皆以土色言之直寺門吳隅號佛隴智者
第二宴坐處隋創國清更寺爲道場碑云自大師
歿一百九十餘載大比丘然公光昭大師之遺訓
以啟後學門人比丘法智灑掃大師之舊居以護
寶所按智者以開皇十七年逝至此立碑之歲爲
元和六年共得二百十五年云一百九十餘載者
當由撰文在元和六年以前也大比丘然者卽湛
然姓戚氏世居晉陵荆溪智者之五世孫年二十
從左溪學天寶大歷間朝廷三詔並辭疾不起晚
歸台嶺建中二年示寂于佛隴法智不詳何許人
髫年離俗應法升壇晚歲以逕直之門莫如念佛
後于國清寺堯率臺上晝夜精勤念佛無疾而化
建碑僧行滿南浦人往天台聽荆溪說止觀頓悟
微旨因棲止華頂峯下智者院充茶頭其智者大

師道行方外志要所載與碑合

晉周孝侯碑

碑高七尺三寸五分廣三尺九寸六分二
十八行行約五十九字正書在宜興縣

晉故散騎常侍新平廣漢二郡太守尋除楚內史御史

中丞使持節大都督塗中京下諸軍事平西將軍孝侯

周府君之碑

晉平原內史陸機撰

右軍將軍王羲之書

君諱處字子隱義興陽羨人也氏肖曩興煥乎墳典華

宗往茂鬱其簡書啓三十之洪基源流定鼎運八百之

遠祚枝葉封桐軒蓋烈於漢庭蟬冕播於陽羨二南之

價傳不朽而紛敷大護之音聲無微而必顯山高海闊

其在斯焉祖賓少折節早亡吳初召諮議叅軍舉郡上

計轉爲州辟從事別駕步兵校尉光祿大夫廣平太守

父飭少好學舉孝廉吳寧國長奮威長史懷安錢唐縣

侯丹陽西部屬國都尉立節按尉拜裨將軍三郡都督

太中大夫臨川預章鄱陽太守晉故散騎常侍新平廣

漢二郡太守封關內侯晉級揚名臺閣標著風化之美

奏課爲能應往路謳亭亭孤美灼灼橫劭徇高位於生

前思垂名於身後遂以卒意不違應期出輔洋洋之風

金石錄卷一百六
俯冠來菜巍巍之盛仰繼前賢君乃早孤不宏禮制年
未弱冠旅力絕於天下妙氣挺於人間騎獵無儔時英
式慕縱情寡偶俗弊不欣鄉曲誣其害名改節播其聲
譽遂來吳事余厥弟驩然受誨向道朝聞方勵志而遙
詩書便好學而尋子史文章綺合藻思羅開吳朝州縣
交辟太子洗馬東觀左丞中書右丞五官郎中左右副
史靖恭夙夜恪居官次遷大尙書僕射東觀令太常卿
無難督匡熙庶績
朝廷謚寧使持節大都督塗

中京下諸軍事封章浦亭侯國猶多士君實得賢遠洋
廷闕之旁昂藏寮案之上射獸功猶見顯刺蛟

名乃遠揚忠烈道自克修義節情還永布琳瑯杞梓珪
璧棟梁君著默語三十篇及風土記并撰吳書於是吳
平入晉王渾登建業宮醜酒既酣乃謂君曰諸人亡國
之餘得無戚乎君對曰漢末分崩三方鼎立魏滅於前
吳亡於後亡國之戚豈惟一人渾乃大慙仕晉稍遷總
統初入拜諮議郎除討虜護軍新平太守撫和戎狄叛
羌歸附雍士美之轉爲廣漢太守郡多滯訟有經三十
年不決者處以詳其枉直一朝決遣以母年老罷歸尋
除楚內史末之官徵散騎常侍處曰古人辭大不辭小
乃先之楚而郡旣經喪亂新舊雜居風俗未一處敦以

教義又撿屍無主及白骨口口收而葬之然以就徵遠
近稱歎及居近侍多所規諷遷御史中丞正繩直筆凡
所糾劾不避寵戚梁王彤違法處深文案之及氏人齊
萬年反朝臣惡其強直皆曰處吳之名將子也忠烈果
毅庶僚振肅英情天逸遠性霞鶩陝北畱棠遂有二天
之詠荆南度處猶標十部之書尋轉散騎常侍輕車將
軍迴輪出於新平七女揮淚褰帷望於廣漢鷄犬靡喧
振茲威略宣其惠和晉京遙仰部從近欽是時氏賊作
逆有衆七萬屯於梁山 朝廷推賢以君才兼文

武 詔授建威將軍以五千兵奉辭西討忠槩盡

節不顧身命乃賦詩曰去去世事已策馬觀西戎藜藿
甘梁黍期之克令終言畢而戰自旦至暮斬首萬計弦
絕矢盡播系不救左右勸退處按劍怒曰此是吾効節
授命之日何以退爲我爲大臣以身殉國不亦可乎韓
信背水之軍未逞得喻工輪縈帶之勢早擬連蹤莫不
梯山架壑襁負來歸戎士并其封疆農人展其耕織秋
風纔起追戰勇於雷霆春水方生揮插同於雲雨立功
立事名將名臣者乎元康九年因疾增加奄捐館舍春
秋六十有二 天子以大臣之葬師傅之禮親臨
殯壞建武元年冬十一月甲子追贈平西將軍封清流

亭侯謚曰孝侯禮也賜錢百萬葬地一頃京城地五十畝爲第又賜王家田五頃

詔曰處母年老加以

遠人朕每愍念給其醫藥酒米賜以終年以太興二年歲在己卯正月十日葬於義興舊原南瞻荆岳崇峻極之巍峩北睇蛟川濬清流之澄澈娶同郡盛氏有四子靖玘札碩並皆至性純孝過禮喪親墳前之樹染淚先枯庭際之禽聞悲乃下遂作銘曰

周南著美岐山表靈業繁漢室枝茂晉庭皎皎夫子竒特播名幼有異行廿存風烈早馳問望晚懷耿節頗尙豪雄昇名禁闕捨爵策勲允歸明哲輝赫大晉封豕

多故式揚廟略克清天步海濱旣折江淮亦泝漢水作蕃條章斯布俗哥揆曰人謠何暮忠貞作相追蹤絳侯將亭嘉茂遽掩芳猷潛光陽句返旆吳丘舊關雖入鄉路冥浮從榮制墓終非書遊春墟以綠清淮自流深沉素幘繚繞朱旒巖堂寂寂黃泉悠悠書方易折冢榻難畱鐫茲幽石萬代千秋

唐元和六年歲次辛卯十一月十五日承奉郎守義

興縣令陳從諫重樹此碑

前試太常寺協律郎黃口書

瑯琊承仕榮鐫

勾當造廟廿代孫故湖州司士息瓊 副元惜 宗
錄同晁 宗典士琳 惟良 與諸宗子同共構造

平原華明素篆額

此碑據舊集抄之中多訛謬文理不接且孝侯既戰
沒而云舊疾增加奄捐館舍尤可笑也考常州志此
碑尚藏于廟而所載亦是如此當是古碑殘滅後人
取斷簡以意補湊之用勒于石遂沿以為真耳尚須

博考 張溥陸士衡集

宜興周孝侯墓有古碑一通云晉平原內史陸機撰
右軍將軍王羲之書跋尾云唐元和六年歲次辛卯

十一月十五日承奉郎守義興縣令陳從諫重樹此
碑後又有一條前試太常寺協律郎黃口書名與書
俱模糊而書字微可推當是後人因陸機撰下有空
石妄增右軍將軍王羲之書以重其價耳文內初載
處事大約與傳同至於弦絕矢盡左右勸退處按劍
怒曰此是吾効節授命之日何以退為我為大臣以
身殉國不亦可乎下忽接韓信背水文差不成句又
云莫不梯山架壑襁負來歸云云元康九年因疾增
加奄捐館舍春秋六十有二天子以大臣之葬師傅
之禮親臨殯壤建武元年冬十一月甲子追贈曰孝

侯禮也賜錢百萬葬地一頃京城地五十畝為第又
 賜王家田五頃詔曰處母年老加以遠人朕每愍念
 其二年月日葬於義興舊原按處以永平七年戰歿
 贈平西將軍賜錢葬地及給處母醫藥酒米俱如碑
 蓋又十五年而元帝稱制追封孝侯建武其年號也
 時陸平原歿已久矣豈於樹碑之際而為處後者竄
 入謚孝侯一句耶然不應以永平之詔移入建武後
 至所謂梯山架壑奄捐館舍天子以師傅之尊等語
 又似平原他文錯簡然攷之吳及晉初俱無元康年
 號不可曉也

鼻州山人稿

唐人碑多用此真行體蓋祖聖教序來謂太常協律
 郎黃某書是也其文亦非平原筆似并陸機撰義之
 書俱後人妄增者

書畫改

宜興周處碑元美考據極詳余謂碑中有唐元和重
 樹等語實出黃某所書其人習右軍者後人見似右
 軍遂加羲之字陸平原文不及謚孝侯事重書刻時
 或以意增之耳而以身殉國以下元康九年等語錯
 簡則不可曉豈陳從諫刻後又有刻者亂之耶然不
 應謬妄至此

石墨鐫華

張燮編次陸士衡文集收入此篇謂其中多訛謬文

理不接且孝侯戰沒而云舊疾增加奄捐館舍明是
不讀史者偽作按此碑本唐人之書故業字晉諱而
直書不避其於唐諱則世字三見皆作廿虎字二見
一作虎一改作獸基作基豫作預而塗中亦當作涂
申三國志吳主傳作棠邑涂塘以淹北道晉書宣帝
紀王凌詐言吳人塞涂水武帝紀瑯邪王佃出涂中
海西公紀桓溫自山陽及會稽王昱會于涂中孝武
紀遣征虜將軍謝石帥舟師屯涂中安帝紀譙王尙
之衆潰逃于涂中字並作涂唐人加卽爲滁卽今之
滁州而碑作塗非也士衡逸少旣不同時晉以前碑
未有署某人書者其文對偶平仄全是唐人可定爲
偽作也書梁王彤作彤尤誤王宏撰曰按史士衡
兄弟以惠帝大安二年十月見殺於成都王穎又十
四年元帝卽晉王位始稱建武元年而碑云建武元
年冬十一月甲子追贈平西將軍封清流亭侯諡曰
孝禮也然則已死之士衡又烏知十四年後之事而
預爲云云如此耶又處之戰死在元康七年正月癸
丑今碑云元康元年捐館亦誤

金石文
字記

予于庚子之春過宜興謁孝侯廟下訪是碑于徐太
守蕙薇以此本相贈乃舊搨本剝落無幾顧炎武曰

此碑塗中之名諸書並作涂而碑作塗非是按文選
任昉彈曹景宗東關無一戰之勞涂中罕千金之費
李善本作塗中通鑑嘉平二年吳王遣軍作堂邑塗
塘辨誤云塗塘卽涂水今滁州之滁河也滁之作塗
蓋已久矣金石錄補
余初得周孝侯碑一本其末云唐元和六年歲次辛
卯十一月十五日承奉郎守義興縣令陳從諫重樹
前試太常寺協律郎黃口書旣云重樹則舊碑固已
毀然豈無搨本流傳於世而諸先生並不論及豈於
舊碑搨本皆未之見耶蒼潤軒帖跋此碑題曰晉王

右軍行書按重樹碑是正書此曰行書想舊碑本係
行書而重樹碑自作正書也繼得行書本於好古之
家據云此是舊碑其首晉散騎常侍云云及撰人書
人皆與重樹碑同惟平原內史上無晉字亭林先生
所疑不諱業字而諱虎世基豫字皆書全文其餘則
同重樹碑重樹碑業有書人黃某其非右軍自明若
行書本疑亦唐人所爲筆法與聖教序如出一轍當
是集右軍書也較重樹碑實爲過之觀妙齋金石考略

按此碑誤謬甚多前賢指摘已盡其爲後人僞撰
所不待言然字畫頗工蓋唐人碑版多有集右軍

書者皆足資書家摹仿故是碑亦存而不刪

保唐寺燈幢贊

幢高二尺五寸八面每面廣五寸八分各五行行十九字正書在咸寧縣

保唐寺毗沙門天王燈幢贊

并序

徵事郎前試太子通事舍人飛騎尉柳澈字直方纂并書

周天宇環四極明照品類陽和發生者其唯日月鬱儀含光結隣潛耀曦暉窈味煒煌掩翳者其唯燈燭而瓊室昝唼幽粵發輝辯折織穠無奪物務燈之為用其大矣哉則有若白毫相如意珠徹照大千傍觀沙界明冠

兩曜流輝五靈出世之耿光也非獨昭彰曖昧抑亦雨寶蓮華貨貝紛布以資生靈天莫測人莫辯千載盛事歸於我唐於戲道之行也德之修也其或懋建必生奇偉卓然興之迴拔我我其流必大則今之建功立名位階三事高謝四科文明藻麗者可勝道哉幢之建也本於毗沙天王燈之照也興於玉殿霞敞事之源也肇自平康里蜀之符節掌留務口口別口口闕名口大豐十一年景辰以宅奏口口口口年甲戌口口從道僧名覺勝爰於寺宇手素天王容飾末周報齡將謝祈感帝夢帝口口口儀形聿修紺殿斯立

事詳豐碑幢則叙 天王之鎮保唐也□□□□

□□扶靈□□儼若覩相形肅金□□□□□□

□□□□□氣□掌塔瞪注持矛傑立而鬼神□□□

精□□百由旬內為依為怙僧藍以之□□□□之

安寧日月明於外燈燭耀於內同乎□□□□□魄夜

朗無宵晝矣至於興感化允人望祈願必遂幽贊多方

不可遽數其有奉蘭膏照華殿燈明不絕歸信如流則

其為福也展無壇之休其益筭也續靈長之壽當寺

內供奉大德了法上座超證寺主靈皎都維那超

元購良工奉珍財求翠製斲而磨之微雕龍序而贊之

文則陋矣敢揚光烈贊曰

天王垂迹肇興于闐威靈傍洽仰之鈴鍵爰祚 我唐

昭孚變現廓土開壇□騰電燧其一

惟王有國惟神有靈教興印度德洽大庭綿□歲紀

天資克成僧藍是託國步爰旌其二

燈幢昭赫邈哉 天王炳靈垂休 帝業其昌

翠殿含耀徘徊燁燁慶于闐□祚于保唐其三

元和七年壬辰夏五月十五日壬申建

典座道堅 直歲義暘

盧宏正毗沙門天王記云毗沙門天王者佛之臂指

也左扼吳鈞右持寶塔其旨將以摧羣魔護佛事在
開元則元宗圖像于旗章在元和則憲宗交神於夢
寐據之則是時正崇奉其教也

關中金
石記

無垢淨光大施羅尼咒石刻

石橫廣約二尺零高三寸二分鑿有四闕闕中刻像
每闕間字七行或六行行入字九字十字不等正書

咒文不錄

元和七年五月

法界生

天水口

裴耀卿碑

碑高一丈廣四尺五寸二
十七行行六十六字隸書

唐故侍中尚書右僕射贈司空文獻公裴公神道碑銘

正議大夫行尚書兵部侍郎上柱國高陽縣開國子

賜紫金魚袋許孟容撰

銀青光祿大夫行尚書工部侍郎上柱國長洲縣開

國男歸登書并篆

缺

地配天而萬有生息賢合聖而百常順序

葉明皇帝登寶位之廿一祀得師文臣侍中文獻公

口階益口鏡照孟清陳力 推口昭口口口口口

羅卿字子渙河東聞喜人也伯益裔孫非子周封於秦

至桓公少子鍼去國食采於晉其邑曰芭遂為氏焉自

鍼至□代祖□四葉昭義振□重□□□□□□
 □□□景仕周舉秀才富平縣令大王父正隋豐州司
 馬蘇州大總管府贊治王父脊皇朝舉秀才授許州
 司戶登明經高科遷□□郎□□□考守真□□□
 □□□□□□封尉太常博士詳正學士夏官員外成
 寧二州刺史贈戶部尚書公即尚書府君第三子也初
 河東夫人之夢熊羆神□□□□□□□□□□□□
 □□□□□□□□□第聖壽中書判入等補麟臺正
 字未幾丁尚書府君憂茶蓼之毀禮不能節服除調集
 以太夫人有羸老之疾乞闕官□□□□□□□□□□

□□□□□□□□□翰素轉國子主簿詹府丞太
 夫人捐館莫□溢米哀隣滅性制終除河南士曹參軍
 睿宗□嘗列宮寮加朝散□□□□□□□□□□
 □□□□□□□□□□□□□□□□□□□□□□
 繩墨誠陳也亟轉兵部郎中長安縣令 轂下塗多
 事并剗弊相習名迫不誤堅貞鮮遂公更張其□□□
 □□□□□□□□□□□□□□□□□□□□□□
 明時宰有銜初醜正者出濟州刺史素換宣冀二州清
 明愷悌三郡一政物皆饒阜人不欺而濟陽信都□
 □□□□□□□□□□□□□□□□□□□□□□除

慮矜功侮敵恐未百全後果喪師失律大起邊患三者
皆悉□□□□□□□□□□□□□□□□□□□□□□藻

亦衡之動由其極齋□□□博博幾□□用有藏晦中無
磷淄推功與能瘡惡□違皆所以載編簡而成乎表式

洽□聞而播□□□□□□□□□□□□□□□□□□右
僕射上嘗命畫工寫真圖于凌煙閣公手制曰所

謂傳神國之故事自武德至是宰輔一百八十七人登
丞相左右揆其一其□□□□□□□□□□□□□□□□

□□□盈□若虛貴而佳卑衣無華綵食不珍異正考
父之益恭晏平仲之矯時遽瑗之暮夜匪懈孫□之衣

衾不飾取類前志我無媿心□□□□□□□□□□□□
□□□□□□□□□□著蔡俱與公結金石之契□□□律

之□王□味述為牙期也濟川中止孰主大鑪難老不
錫曷云輔善以天寶三載七月十八□□□□□□□□

□□□□□□□□□□□□□□震悼罷朝贈太子太傅
謚曰文獻以其年十月歸葬絳州稷山縣姑射山之陽

尚書府君塋東四里有子八人遂泛淑綜延□□□□
□□□□□□□□□□□□□□□□□□漢數□□□豈

德祖同歟綜臯最知名綜官至吏部郎中臯官至給事
中郎中淑吏部侍郎信京兆少尹武給事中□諫議□

於口詞推麗則之雄由不及道嘗踐門闈功德儀刑將

垂芳於不朽發揮鑽仰孰授簡之當仁銘曰

日月貞明洪鈞造物股肱匡載靡化陰隲 於赫明

皇追蹤昔王聿求仁哲俾闡昭光文獻膺時慶霄未口

口口四靈口口口口口口口口口口口口口口口口

世風流慶存翼子貽孫江海華藻圭璋後昆靈源之上

姑射之下宰府兆域口曹松檟照燭歲蕤崢嶸豐碑絳

口口口警稷_{下闕}

元和七年十一月十七日建立

將仕郎守恒王府參軍姜濬摸勒并刻字

按此碑撰者許孟容結銜云正議大夫行尚書兵

部侍郎上柱國高陽縣開國子賜紫金魚袋舊唐

書傳孟容字公範京兆長安人元和初遷刑部侍

郎尚書右丞四年拜京兆尹賜紫_{新書不改兵部}

侍郎_{新書無此官}終尚書左丞東都留守其封高陽子

兩傳皆無也書者歸登舊傳云登字冲之蘇州吳

郡人順宗初以東朝舊恩超拜給事中賜金紫遷

工部侍郎官終工部尚書碑結銜工部侍郎與傳

同而不書賜金紫至長洲縣開國男則傳所無也

傳又稱登有文學工草隸而不言其能篆書此碑

登書并篆額又集古錄載百巖大師懷暉碑亦登

篆額是登兼工篆也碑稱耀卿字子煥新傳云字

煥之與碑異傳又云絳州稷山人碑云河東聞喜

人地理志聞喜與稷山同屬絳州州屬河東道唐

時河東道所屬有河東郡碑稱河東是道非郡也

碑雖稱其貫曰聞喜而其後歸葬仍在稷山故稷

山聞喜碑傳五見也碑叙耀卿先世口口口景大

王父正周隋書皆無傳王父脊考守真新書裴守

真傳云後魏冀州刺史叔業六世孫碑不叙及父脊隋

大業中為淮安舊傳作淮南司戶參軍郡人楊琳田瓚

等亂無敢害護送還鄉貞觀中官至鄧令碑不載

隋官傳不備書唐官皆互有詳略舊傳又載守真

舉進士應八科新傳作六科累轉乾封郡屬新傳作乾封尉與碑

合尋授太常博士天授中為司府丞出為汴州司

錄新傳作司馬累轉成州刺史徙寧州卒贈戶部尚書

舊傳無碑惟詳正學士夏官員外為兩傳所無餘

碑傳皆合碑云公即尚書府君第三子也舊書守

真傳云子子餘次弟巨卿耀卿是耀卿為第三子

與碑合新書耀卿傳云守真次子與碑異也宰相

世系表載叔業北齊為南兗州刺史初歸北號南

來吳裴事後魏為豫州刺史叔業第三子簡之簡

之之孫景富平令與碑同景子正隋散騎常侍碑不載

正子脊字歸厚碑傳俱無南鄭鄴令脊次子守真字方

忠兩傳無邠寧二州刺史與碑傳之作成寧者異守真長子子

餘次巨卿次耀卿是耀卿亦作第三子與碑合碑

載耀卿歷官多與兩傳合惟碑稱書判入等補麟

臺正字傳作秘書正字為不同又碑于長安縣令

之前先除左庶子領崇文館事右僕射之下寫貌

圖于凌煙閣兩傳皆無而傳于拜秘書正字之後

補相王府典籤濟州刺史後歷宣冀州刺史開元

二十年副信安王禕討契丹二十四年累封趙城

侯今碑皆略之或在泐文中不得見也又開元二

十三年破奚契丹後耀卿與李林甫同奏請刊石

勒誦書奏批此碑亦未叙及又碑云轉運都使尋

遷侍中傳則云轉運使無都字又碑叙鼎新漕運

以廣儲廩下文多泐据新傳云置河陰集津三門

倉引天下租絲盟律沂河而西三年積七百萬石

省運費三十萬緡可据以補碑之泐至碑所云逋負之徒征徭之毗追琢貞珉存于道左是當時立

碑頌德政也而今不傳碑云有子八人遂泛淑綜
延餘人皆泐下文又有臯官給事中郎中兩傳惟
載綜及綜子佶世系表則有六人曰遂泛泫綜臯
延與碑互異耀卿以天寶三載十月葬此碑立于
元和七年十一月距其葬又六十九年以臆度之
是其孫佶官國子祭酒工部尚書時所立立碑之
明年佶已卒矣耀卿有孫七人曰旼收彪佶琬武
堪今惟佶武見于碑餘亦泐矣

李輔光碑

石高廣各三尺九寸三十七行
行三十六字正書在咸陽縣

唐故興元元從正議大夫行內侍省內侍知省事上柱
國賜紫金魚袋贈特進左武衛大將軍李公墓誌銘并
序
朝議郎行尚書刑部員外郎崔元略撰

宣德郎前晉州司法參軍巨雅書

夫王者統極垂理其外必有英哲宣力股肱其內必有
專良布達心膂以成帝道古今而言君臣相會兼之者
鮮矣厥有內侍李公可謂會而兼之者也公監軍
河中以元和十年正月十七日薨于官次行路悽咽元
戎以聞

武衛大將軍品冠

朝端位崇禁衛

詔下

皇帝軫悼寵以殊禮褒贈特進左

金石錄卷二百八
之曰人不謂優有以見 公出入中外始終無過之地
矣 公諱輔光字君肅其先京北涇陽人也曾祖望

皇京北府華原縣令祖萬靖

皇涇王府長史父

思翌

皇涇州仁賢府左果毅賞緋魚袋

公卽果

毅之第三子也質表華茂氣懷恭敏建中歲

德宗御宇時以內臣干國率多縱敗思選賢妙以正

宮掖故 公特以良自入侍充白身內養俄屬

皇輿巡幸

公于斯時參侍指顧應對皆愜遂賜綠超

授奚官局令勲以元從之号其年又遷掖庭局令興元

初

輦入宮闈

公屢含天憲復命之日皆

中機要遷內寺伯時有北虜入

覲將以戎馬充

獻數盈累萬

國朝故事每一馬皆酬以數十縑

帛拒之卽立爲邊患受之卽王府空竭

公承

命爲印納使迎之朔陞諭以信實交領之際虜不敢欺

必以精良口口後充筭省費之按億兆相懸生靈所資

安危是繫卽 公之於國可謂有大功矣

聖情

歡悅遂有銀章朱紱之賜由是方隅重事咸所委屬嶺

嶠之南漸于海日邕管地偏人狡口口將有欽溪洞

連結爲盜者僅廿萬衆

王命稽擁逮于周歲隣

道節使咸請進討

德宗皇帝且日以吾人

金仁恭編卷一百一十五
三
伐吾人剋之非利於是命 公招諭□□□遠臨所
部公乃訊詰疑懼昭示 恩威浹辰之間咸知所

嚮公素練兵機具見腰□□巡視川谷占其要害奏請
於海口置五鎮守捉至今怙然人受其賜獻功未幾又

屬太原軍師李自良薨于鎮監軍使王定遠爲亂兵所
害甲士十萬露刃相守 公馳 命安撫下車乃定

便充監軍使前後三易節制軍府晏如十五年間去由
始至遂 特恩遙授內給事又有金章紫綬之賜

元和初 皇帝踐祚旌寵殊勲復遷內常侍
兼供奉官明年銀夏裨將楊惠琳西蜀副倖劉闢或以

長師薨歿皆恃塞怙險初有邀 君之心終成悖
亂之跡 公密表請發當道步騎誅討功成之日優

詔褒美日卿志懷嫉惡情切奉公繼遣偏師尅平
二寇雖嘉將帥之勤足見監臨之効拜內侍省內侍知

省事中署之貴寵極於此尋因入 覲懇請留侍
乃充鴻臚禮賓使又轉內弓箭庫使曾不累月

皇帝以蒲津重鎮監統務切復除河中監軍兼絳
州銅冶使自元和四年至九年元戎四換交代之際人

心如一斯益 公約已廉与士信靜專動和推安便物
之所致也 聖恩表異圖形省閣易簣之日享年

七十有四以其年四月廿五日吉辰遷窆于涇陽縣咸陽原之陰 詔下所司備鉦鼓笳簫儀衛禮物 中

使監導出于都門榮觀路人寵被幽壤仕君子聞者咸亦知勸 夫人輔氏邑号扶風郡閭儀端懿母德温淑如賓之敬見于喪禮有子四人長曰希晏前將仕郎掖庭局宮教博士次曰仲昇開府儀同三司檢校太子詹事兼殿中侍御史充河東節度保寧軍使次曰希暹內養將仕郎守內侍省內府局丞次曰希昇並皆克奉規訓志存忠孝懿勲茂績始見其進也門吏晉州司法參軍巨雅以元略長兄嘗賓于北府以元略又從事中都俱飽 內侍之德將命錄實見託為誌勒之貞石且無愧詞銘曰

涇水之涘高原堀起其上
新墳葬我將軍將軍之德實彰家 國水竭原遷斯文乃傳

右碣在縣東北五十里高陵界王氏囿中完全未滅土人傳先年涇河南畝崩壅水絕流三日是碣適出

銘載水竭原遷驗矣甚奇並記

咸陽金石遺文

文稱門吏晉州司法參軍巨雅此輔光為河中監軍所除唐時士人而出於內侍之門者蓋不少矣輔光少選入內而有夫人輔氏子四人唐之宦官有權位

者則得娶婦史之所載高力士娶呂元晤女李輔國
娶元擢女皆奉勅爲之而楊復光至假子數十人又
後漢書劉瑜傳言常侍黃門亦廣娶妻周舉傳言豎
宦之人亦復虛以形執威侮良家取女閉之至有白
首歿無配偶逆於天心單超傳言四侯轉橫多取良
人美女以爲姬妾則固不始於唐時也 碑內宮掖

作宮踐阼作祚士君子作仕皆誤盧藏用書蘇許公
碑亦以踐阼作祚

金石文
字記

碑云輔光爲河中監軍使者蓋監張宏靖軍也巨雅
元略之弟巨雅曾爲晉州司法元略又官于中都護

撰書此志以記功德

關中金
石記

史稱元略爲京兆尹牧貸錢万七千緡爲御史劾奏
詔三司雜治元略素事宦人崔潭峻頗左右之獄具
削兼秩而已此誌云元略從事中都素飽內侍之德
其暱于宦者可知誌稱太原帥李自良薨于鎮監軍
使王定遠爲亂兵所害甲士十萬露刃相向公馳命
安撫下車乃定便衣監軍使前後三易節制軍府宴
如十五年間去猶始至李自良卒於貞元十一年三
易節制謂李說鄭儼嚴綬也通鑑河東節度使嚴綬
在鎮九年軍政補署一出監軍李輔光綬拱手而已

裴均具奏其狀請以李鄴代之事在元和四年自貞
元十一年至此正十五年矣然則輔光之去河東亦
在元和四年而是年復除河中監軍也輔光以監軍
兼絳州銅冶使絳州銅冶置使亦史所未載也云自
元和四年至九年元戎四換以史考之蓋王鏐張茂
昭張宏靖趙宗儒也

潛研堂金石文跋尾

文云輔光建中歲以良胄入侍充白身內養超授奚
官局令勲以元從之云云又太原口帥李自良薨
于鎮監軍使王定遠爲亂兵所害云云又除河中監
軍兼絳州銅冶使又有聖恩表異圖形省閣之文舊

唐書宦者傳元和長慶以來高品白身之數四千六
百一十八人誌稱輔光充白身內養白身自爲宦豎
清資逮元和後號始猥濫而內養之名不見于志惟
楊收傳有內養郭全穆此其可証一也食貨志大歷
四年第五琦上言請于絳州汾陽銅原兩監增置五
鑪鑄錢許之職官志諸鑄錢監絳州三十鑪誌稱輔
光兼絳州銅冶使當以鑄錢重其事特設此官蓋權
宜爲之不見于史尔史于職官內皆書勲號功臣有
圖形戢武閣凌煙閣而內史省諸官獨缺錄今誌稱
勲以元從圖形省閣宦者殊籠于斯極矣又王定遠

見李說傳王定遠欲謀殺說後知事敗走登乾陽樓
 召其部下將卒多不之應比夜定遠墜城下槎枿傷
 而不死有詔削奪長流崖州據誌則為見害于亂兵
 誌宜得其實輔光有妻輔氏子四人希晏希暹宮內
 侍省希昇無官惟仲昇官開府儀同三司檢校太子
 詹事兼殿中侍御充河東節度保寧軍使行次既不
 從希官又不為內侍益必輔光之勢冒為闖兒以希
 規進取者崔元略傳元和十二年遷刑部郎中据此
 誌在十年署銜員外郎殆以是叙遷也元略以士人
 為闖官諛墓訟言與兄從事中都俱飽內侍之德將
 命錄實且無媿詞攷元略嘗以諸父事內常侍崔灑
 峻則其諂附出于結習固不知其言之醜也

授堂金石跋

盧公夫人崔氏墓誌

石高廣二尺一寸五分二十五
 行行二十五字正書在洛陽

唐故河南府司錄盧公夫人崔氏誌銘

殿中侍御史內供奉竇從直撰

公變書

元和甲午歲有夫人崔氏粵華宗令人德門賢婦以首
 秋再旬旬外五日終于東都正俗里之私第享年六十
 九嗚呼母儀厚德婦道宏訓令問如在誰其嗣之夫人

諱績号尊德性博陵安平人也東漢魏晉延燿不息迨
至本朝宜昌而熾曾大父通許州司馬王父知慈祕書
丞贈國子祭酒父倫

代宗朝以前御史中丞使

吐蕃拜尙書左丞歿諡敬公伯曰譚左司郎中伯曰榮
右補闕叔曰殷衡州刺史而皆以禮自持用榮爲誠善
慶所及夫人益光夫人卽敬公之季女也年十有一歸
于范陽盧公惟公人倫碩德冠冕良材往踐王畿滯登
臺閣器業尤重紀綱浴川貞元己卯先夫人而屈於命
夫人晝哭捐軀未忘誓志無違撫育不易慈仁尅己成
家樹立餘業過此則修學大悲一切解脫夫人元昆衍

宗朝以御史大夫觀察宣歙池三州歿諡懿公夫人
與公孝慈以類告終歲月十稔而同同氣之言於斯可
驗矣夫人有男一人女二人女則組紉稟訓婉婉承華
結褵從夫榮耀他族男曰從雅頃歲辟召制有成命
參佐戎律換万户尉終養不虧十年向晦丁艱窆宅竊
疚其懷初司錄府君先卜梓栢谷口因而耐焉至是問
從耐于箸龜不尅問改耐于箸龜襲吉君子曰傳無不
之今則何遠乃歲十月六日奉夫人轉祿啟府君東北
九里合防以虞陵谷順也嗣子謂從直忝懿公顧躬又
備末姻尙戴恩光早詳勲闕託之琬製貽厥彤人銘曰

夫人之生榮耀勲華鳴環適人慶彼夫家姻族惠懷靡
不稱嗟溫玉貞松保厥終始母儀婦道遺範已矣雪涕
鮮原反覆孝子

誌前列殿中侍御史內供奉竇從直撰後列公變書
名而不氏未知其于崔盧何屬也從直見宰相世系
表書官兼殿中侍御史與誌合崔氏曾大父通許州
司馬王父知慈秘書丞贈國子祭酒父倫代宗朝以
前御史中丞使吐蕃拜尙書左丞歿諡敬公案倫附
新唐書子衍傳竇應二年以右庶子使吐蕃虜背約
畱二歲執倫至涇州逼爲書約城中降倫不從更

邏娑城閱六歲終不屈乃許還遷尙書左丞以疾改

太子賓客卒倫加官爲常衮草制見文苑英華云頃

以昆夷之俗繼好勤誠不忘綏懷喻我文告乃命太中

大夫前太子右庶子兼御史中丞上護軍賜紫金魚

袋崔倫宣明威惠撫柔西海終能復命亦旣序成云

云可銀青光祿大夫行尙書左丞與誌所言拜尙書

左丞合誌言伯曰譚左司郎中仲曰榮右補闕叔曰

殷衡州刺史元昆衍德宗朝以御史大夫觀察宣歙

池三州歿諡懿公衍本傳云遷宣歙池觀察使與誌


合而以御史大夫出任于外史失載衍見舊唐書孝友傳略其諡不

著未若新
書之詳
又誌稱叔曰殷卽傳稱倫弟殷趨白衍所

稟舉送夫人所者也誌夫人書其伯叔及兄金石例

冗濫牽附無過斯者非可為式也

授堂金石跋



金石萃編卷一百六終

